

Text 5

קצת אברהם אבינו עליו השלום (00101)  
חכאית אברהם אבינו עליו השלום שיי (00102)  
אלדי עאדפהו מע נמרוד מוג'ב מא (00103)  
כאנו יקולון קבל מא אנכ'לק אברהם (00104)  
כאן נמרוד כאפר באמאנת אל כ'אלק. (00105)  
וכאן יתכבר בנפסהו. וייקול אלדי הווא (00106)  
אילאה ח"נ. ואהל וקתהו אל קדימין כאנו (00107)  
יעבדונו וייסג'דולו. וכאן עאלם בחכמת (00108)  
אל תכונה ושאף בעלם אל נג'ום אלדי (00109)  
ינוולד פרד ואחד פי זמאנהו לייוקקף (00110)  
קבאלהו לינכרהו בעבאדתו וייגלבו וכאן (00111)  
כתיר מתכווף. ומן כופתהו ערף אלא (00112)  
פשוואתהו ואלא אכבארייתהו. וקאל להום (00113)  
אש תעטון לי משאוורה אסווי להל ולד (00114)  
קאלולו יקטע עקלנא אלדי תבני בית כביר (00115)  
ותכ'לי נוואטיר עלא אל בית ותנבה (00116)  
בכל עלטנתך אלדי ג'מיע אל נסוואן אלדי (00117)  
הום חבאלי ינג'מעון בד'אלך אל בית. כד'אלך (00201)  
ינטרון ג'מיע אל חבאלי ואד'ה אל מרה תג'יב (00202)  
אבן יד'בחוננו עלא בטנהא ואד'א בנת (00203)  
תעיש ותעטי בכאשיש לאמהא (00204)  
ותלבסהא חוואס אל עלטנה וייעיחון (00205)  
קדאמהא האכד'א יתסווא לל מרה אלדי (00206)  
תולד בנת. ולמא סמע שורהום פרח (00207)  
כתיר. ונבה בכל מדין עלטנתהו אלדי (00208)  
יג'ון ג'מיע אל אסטוואת לייבנון בית כביר (00209)  
עלווהו סתין ד'ראע וערע'הו תמאנין (00210)  
ד'ראע. ועקב מא תמם אל בית נבה אלדי (00211)  
יג'ון ג'מיע אל נסוואן אה חבאלי לד'אלך אל (00212)  
בית יבקון אלא מא יוולדון וניך. כד'אלך (00213)  
כלא נוואטיר לא יכון יטלעון מן וניך. (00214)  
וכדאלך וכל נסוואן עליהום לייולדוהום (00215)  
ואמר עליהום אלד'י ג'מיע אבן אל ינוולד (00216)  
יד'בחוהו בחע'ן אמהו. ואלד'י תג'יב בנת (00217)  
ילבסון לאמהא חוואס בריסם וייטלעוהא (00218)

מִן וּנִיךְ וַיִּסּוּלָא בְּבוּד כְּתוּר כִּמָּא וְעָא (00219)  
אֵל עֲלִטָאן וַיִּוּדוּהָא לָל בֵּית בְּכַבּוּד (00220)  
אִמֵּר הַמְּגִיד אֲנִקְתְּלוּ מִן הַל שִׁין אֲזִייד (00301)  
מִן סַבְעִין אֵלְף וְלִד' (00302)  
וְלִמָּא שֶׁאִפּוּ אֵל מְלֵאכִים פִּי קִתְּל הַל (00303)  
אוּוֹלָאד קֵאלוּ קִדָּאם הַקִּב"ה רַב־ש"ע (00304)  
הַל שֶׁפֶת שִׁי אֵלְדִי סוּוָא הַל כֹּאפֵר וְאֵל (00305)  
ע'אַלִּם נִמְרוּד אֲבָן כִּנְעָן אֵלְדִי קִתְּל אֵשׁ (00306)  
קִדֵּר אוּוֹלָאד וּסְפֵךְ דִּמְהוּם לָל אֶרֶץ' מִן (00307)  
גִּיר שֶׁפֶק עֲלִיהוּם רַג'ע לְהוּם הַקִּב"ה לָל (00308)  
מְלֵאכִים עֲרַפְתּוּ וְשֶׁפֶתוּ לָאן לָם אֲנַעֵס (00309)  
וְלָם אֲנָאם וְאֶשׁוּף אֲנָא וְאֶעֱרַף אֵל מַכְפִּיָּאֵת (00310)  
וְאֵל מַכְשׁוּפָאֵת. לֵאכֵן תִּשׁוּפוּן אֵשׁ אֶסוּוִי (00311)  
לְהַל ע'אַלִּם אֵל כֹּאפֵר לֵאכְלִי יָדִי עֲלִיהוּ (00312)  
וְלֵאדְבֵהוּ. אִמֵּר הַמְּגִיד בְּד'אַלְךְ אֵל וְקֵת (00313)  
תִּזְוּג'וֹת אִם אֲבֵרָהֶם אַע"ה בְּתֵרַח וְחַבְלָת (00314)  
וְעֵקֵב תֵּלֵת אֶשְׁהֵר עֲלֵת בְּטִנְהָא וְאֶעֱפֵר (00315)  
וּג'הָא. קֵאל לְהָא תֵרַח זִוּג'הָא מִן סַבֵּב אִישׁ (00316)  
וּג'הָךְ אֶעֱפֵר. וּבִטְנַךְ עֲאֲלִיָּה. קֵאלֵת לְהוּ (00317)  
בְּכָל סִנְהָ וּסִנְהָ יַעֲאֲדִפְנִי וּג'ע. קֵאל לְהָא (00318)  
תֵרַח אֶרוּיְנִי בִטְנַךְ לֵאנַךְ חֲאֲמֵלָה. מָא (00319)  
יִסִּיר נְכ'אַלְף וְעֲאִיִּית מַעֲבּוּדָנָא נִמְרוּד (00320)  
וְכֹלָא יִדְהוּ עֲלָא בְּטִנְהָא. וּסוּוָא הַקִּב"ה (00401)  
נַס וְעַעַד אֵל וְלִד לְפּוֹק תַּחַת אֵל ע'לְעֲאִיָּה (00402)  
וְקִיִּיס בִּיִּידְהוּ וְלָם לְקָא קֶסֶם שִׁי. קֵאל (00403)  
לְהָא זִוּג'הָא עֲדִקְתִּי מוּג'ב מָא קִלְתִּי. וְלָם (00404)  
אֲנַבָּאן אֵל חֲכִי וְלָם אֲנַעֲרַף אֵלָא מָא כִּמְלוּ (00405)  
שְׁהוּרַת וְלִידְתָהָא. וּמִן כְּתֵרַת כּוּפָהָא (00406)  
טִלְעַת מִן אֵל בְּלָד וּרְאֲחַת עוּב פֵּרַד נְהֵר (00407)  
וְלִקֵּת מַג'אַרָה כְּבִירָה וּדְכ'לֵת פִּיהָא (00408)  
וְעֵקֵב תֵּאֲנִי יוּם וְלִדְת אֲבָן. וְשֶׁאִפֶּת אֵלָא (00409)  
אֵל מַג'אַרָה ע'וּוּיָה מֵתֵל אֵל שֶׁמֶס מִן ע'וּוָה (00410)  
אֵל וְלִד וּפְרַחַת פְּרַחַה כְּבִירָה וּד'אַלְךְ אֵל (00411)  
וְלִד הוּא אֲבֵרָהֶם. וּפְתַחַת תִּמְהָא וְקֵאלֵת (00412)  
יָא וּיֵל אֵלְד'י וְלִדְתוּךְ בְּהַל וְקֵת אֵלְד'י (00413)  
עֲלִטָאן נִמְרוּד קִתְּל מִן טֵרַפֵּךְ סַבְעִין אֵלְף (00414)  
וְלִד וְאֲנָא אֲכַאֲף עֲלִיךְ לָאן אֲד'אַ יַעֲרַף (00415)  
בִּידֵךְ יִקְתַּלְךְ וְאֵל אַחְסָן אֵלְד'י תִּמּוֹת בְּהַל (00416)

מג'ארה ולא תשופך עייוני מד'בוח פי (00417)  
חצ'ני שלחת הדום אלדי עליהא ולפת אלא (00418)  
אל ולד וכלתהו פי אל מג'ארה. וקאלת לו (00419)  
אלדי אילאהך יכון מעך וראחת אלא (00420)  
מכאנהא. אמר המגיד אברהם אע"ה (00501)  
בעדהו באל מג'ארה ומא כאן אכו דאייה (00502)  
אלדי תרע'עהו. בכא וסמע אללה בכאאהו (00503)  
ורסל להו אלא גבריאל המלאך ליעיישהו (00504)  
ולייסקיהו חליבו לאן כאן יכ'רג' להו מן (00505)  
אעבאעו אל ימין וכאן ירע'ע מנהא. אלא (00506)  
מא סאר אברהם אבן עשרת אייאים (00507)  
אסתבדא ליימשי עלא אל ארץ'. וטלע מן (00508)  
אל מג'ארה וראח אלא חאפת אל בחר ולמא (00509)  
ג'ארה אל שמס וטלעו אל נג'ום קאל הד'ולה (00510)  
הום אל אילאה. מן בעד מא פג'ר לם (00511)  
לקה נג'ום קאל לם אעבד אלא הד'ולה . (00512)  
לאנהום לם אילאה. ומן בעדה שאף אלא (00513)  
אל שמס קאל האד'א הווא מעבודי ומן (00514)  
בעד מא ג'אבת אל שמס קאל האד'ה לם (00515)  
מעבוד. ומן בעדה שאף אל קמר קאל (00516)  
האד'ה מעבודי ואעבדהו. ולמא עתמת (00517)  
אל דנייא קאל האד'ה לם מעבוד. בעדהו (00518)  
מתכלם ומלאך גבריאל ג'א וקאל להו (00519)  
אל סלאמה עליך אברהם. רג'ע להו עליך (00520)  
אל סלאמה. קאל להו מן אנתה קאל להו (00601)  
אנא גבריאל המלאך מרסול מן הקב"ה (00602)  
בד'אלך אל סאעה ראח לפרד מנבע מאיי (00603)  
וג'סל וג'הו וידהו ורג'ליה ועלא לאללה (00604)  
ורכע וסג'ד. אמר המגיד אם אברהם (00605)  
אע"ה ד'כרת אלא אבנהא ובכת ואנחצרת (00606)  
עליה וטלעת מן אל בלד לתדוור אלא (00607)  
אבנהא פי אל מג'ארה אלדי סייבתהו וניך (00608)  
ולם לקתהו ועאוודת לתבכי בעד וקאלת (00609)  
יא ויל אלי אלדי ולדתוך פריסה לווחוש (00610)  
אל ברייה. וכאנת מאשייה עלא חאפת (00611)  
אל נהר ולקת אלא אבנהא ולם ערפתהו. (00612)  
לאן כבר כתיר פי אל קאמה. קאלת להו (00613)  
סלאמה עליך רג'עלה עליכי אל סלאמה. (00614)

ואש לכי מאשייה בהל ברארי. קאלת (00615)  
לו טלעתו מן אל בלד לאדוור אלא אבני. (00616)  
קאל להא מני ג'אב אלא אבנד הון. קאלת (00617)  
לו כנתו חאמלה מן תרח זוג'י ופי וקת (00618)  
אל ולידה תכוופתו עלא אבני אלד'י כאן (00619)  
פי בטני לא יכון יקתלהו עלטאנא (00620)  
נמרוד אבן כנען. מתל מא קתל סבעין (00701)  
אלף ולד. וגיתו פי פרד מג'ארה עוב הל (00702)  
נהר ולזמוני טלוקאת אל ולידה וולדתו (00703)  
אבן וסייבתוהו באל מג'ארה. ורחתו (00704)  
לביתי והסאע ג'יתו לארידו ולם לקיתוה (00705)  
קאל להא אברהם אל ולד אלדי סייבתינו (00706)  
אש כתר עאר. קאלת לו קבל עשרין יום (00707)  
קאל להא הל אכו באל דנייא מרה אלדי (00708)  
תסייב אלא אבנהא זגיר באל בר לוחדהו (00709)  
ותג'י לתדוור עליה עקב עשרין יום. קאלת (00710)  
בלכת יחן אללה קאל להא אנא אבנד (00711)  
אברהם אלדי ג'יתי להל נהר מן טרפי. (00712)  
קאלת לו יא אבני כברת הל קד כתיר (00713)  
ומשית עלא רג'ולך ותכלמת בתמד וכל (00714)  
האד'י בעשרין יום. קאל להא יסיר ענדך (00715)  
מעלום אלד'י אכו באל דונייא כ'אלק כביר (00716)  
ומכיף עייש ותאבת ישוף ומא ינשאף (00717)  
והווא באל סמא מתרוסה כל אל ארץ' מן (00718)  
אווקארו. קאלת לו אבני הל אכו אילאה (00719)  
ג'יר נמרוד קאל להא נעם יא אמי אילאה (00720)  
אל סמא ואל ארץ' ואילאה נמרוד בן כנען (00801)  
ותרוחין תערפין בהל שיי לנמרוד רג'עת (00802)  
לאל ולאיייה וקאלת לזוג'הא תרח אלדי (00803)  
לקת אבנהא ותרח כאן אג'א כביר בבית (00804)  
אל עלטאן נמרוד וראח לאל קלעה מכאן (00805)  
אלדי אל עלטאן הוניך וסג'ד לאל עלטאן (00806)  
ווג'הו לל ארץ' ופי הדאך אל וקת כל אלד'י (00807)  
יסג'ד לל עלטאן מא יעלי ראסהי אלא מא (00808)  
יקול להו עלי ראסך סאל להו אל עלטאן עלי (00809)  
ראסך ואטלב טלבאיייתך. קאל להו יעיש (00810)  
סידי אל עלטאן וג'ית לאבשרך עלא שיי (00811)  
אלדי שפתהו בעלם אל נג'ום אלדי ינוולד (00812)

ולד בעלשנתך וייפסד בדיאנתך (00813)  
ואקתלת מן שרפו סבעין אלף ולד. אבשרך (00814)  
אלדי הווא אבני ואמהו למא כאנת (00815)  
חאמלא ולם ערפתו בחבלהא לאן קאלת (00816)  
לי אלדי היי וג'עאנה וקייסתו בטנהא ולם (00817)  
לקיתוהא חאמלא. ופי כ'לוץ שהורת אל (00818)  
חבל שלעת מן אל בלד ולקת מג'ארה (00819)  
וולדת אבן וסייבתהו לאל וחוש אלדי באל (00820)  
ברייה ועקב עשרין יום ראחת לענדהו (00901)  
ולאקתהו מסייר עלא חאפת אל נהר. (00902)  
ומתכלם מתל אל כבאר וייקול אלדי אכו (00903)  
אילאה בל סמא ישוף ומא ינשאף והווא (00904)  
ואחד ולם אתנין. ולמא סמע נמרוד הל (00905)  
חכי רג'ף וארתעד כתיר וקאל למשאורינו (00906)  
ואג'וואתו. אשנסווי להל ולד. קאלו יא (00907)  
עלטאנא ומעבודנא כיף תכ'אף מן ולד (00908)  
זג'יר ואכו פי עלשנתך אלף אלוף אלפאת (00909)  
אג'וואת אל אלוף ואג'וואת אל מייאת ואג'וואת (00910)  
אל כמסין ואג'וואת אל עשראת וחכאם אלדי (00911)  
מא להום עדד. זג'יר אלדי פי אל אג'וואת (00912)  
ירוח וייג'יבו וייחבסו. קאל להום הל (00913)  
שפתום בזמאנכום ולד אבן עשרים יום (00914)  
ימשי עלא רג'ליה ומתכלם בתמהו (00915)  
ובלסאנהו מבשר וייקול אלדי אכו אילאה (00916)  
בל סמא ואחד ומא תאני והוא ישוף ומא (00917)  
ינשאף' (00918)  
אמר המגיד. ג'מיע אל אג'וואת אלדי כאנו (00919)  
וניך תעג'בו עג'ב כביר מן הל חכי. (00920)  
ובין הל חכי ובין הל חכי ג'א אל שיטאן (01001)  
בתשביה בני אדם לאבס הדום בריסם (01002)  
אסווד וסג'ד קדאם אל עלטאן נמרוד. (01003)  
אלא מא קאל להו אל עלטאן עלי ראסך (01004)  
ואטלב טלבאיייתך. קאל להו עליש אנתא (01005)  
מקהור וג'מיעכום מתעג'בין עלא פרד (01006)  
ולד זג'יר. אעטיך פרד שור לתפתח (01007)  
מכ'אזנך ותעטי סלאח מאל חרב לג'מיע (01008)  
פשוואתך ואג'וואתך ולג'מיע עסאכר אל (01009)  
חרב. ותבעתהום לענדהו לייג'יבוהו (01010)

לענדך לייסיר בכדמתך ותחת ירך. (01011)  
אמר המגיד. חאלן ועא אל עלטאן לג'מיע (01012)  
אג'וואתהו ולג'מיע אוואדם אל חרב (01013)  
ליירווחון וייאכ'ד'ון מעהום מן ג'מיע אנוואע (01014)  
אל סלאח מן מכאזן אל עלטאן. וראחו (01015)  
לענד אברהם ולמא שאף אברהם אבינו (01016)  
אלד'י ג'ו עליה נאס כתיר. לזמתהו רעדא (01017)  
ורג'פה כבירה מן סבבהום ועאח לטאייק (01018)  
אלד'י פי אל סמא לייכ'לעהו מן ידהים. אלד'י (01019)  
הווא מב'לץ אל פקיר מן אקווה מנהו. והל (01020)  
אן יכ'לעני מנהום וסמע אללה אלא עיחתהו (01101)  
ושאף אלא דמועהו ורסל להו אלא מלך (01102)  
גבריאל לייכ'לעהו מן ידיהום. סאל אל (01103)  
מלאך אלא אברהם ליש אנתא באכי (01104)  
קאל להו כ'פ'תו מן הל אוואדם אלד'י (01105)  
ג'איון עלייא לייקתלוני. קאל להו לא (01106)  
תכאף לאן אללה מעך והווא יכלעך מן (01107)  
ג'מיע עדוואנדך. (01108)  
אמר המגיד. הקב"ה עאח למלאך גבריאל (01109)  
לייכלי ג'ים ועתמה בינהו ובינהום. (01110)  
למא שאפו אל ג'מאם ואל עתמה כאפו (01111)  
ורג'עו לענד נמרוד עלטאנהום וקאלו (01112)  
אלא נטלע ונרוח מן הל ממלכה. (01113)  
ולמא סמע אל עלטאן עטא דראהם לג'מיע (01114)  
אכבארייתו ועבירו וראחו מן הוניך למדן (01115)  
בבל. ומן בעד מא ראחו קאל אל' למלאך (01116)  
גבריאל רוח קול לאברהם ליירווח ורא אל (01117)  
עדו נמרוד לבבל. קאל לו אברהם מא (01118)  
ענדי זוואדה לאל דרב ולא כיל לארכב (01119)  
עליה ולא רייאג'יל עסכר לאסווי מעהו (01120)  
חרב. רג'ע לו מלאך גבריאל. אנתא מא (01201)  
מעתאן לקסם שיי לא זוואדה. ולא כיל. (01202)  
ולא רייג'יל עסכר לתסווי מעהו חרב. (01203)  
פקט עלא כתפי ארכב ואנא אחמלך (01204)  
ואוודיך לבבל. וקאם אברהם ורכב עלא (01205)  
כתפהו למלאך גבריאל. עלא ע'מת עין (01206)  
ושאף נפסהו באבוואב מדינת בבל. (01207)  
וקאל להו אל מלאך תדכל לאל ולאיייה (01208)

ותעיד בעוט כביר אל' הוא אל אילאה מן (01209)  
פוק ועלא אל ארץ' מן תחת מא בעד ג'ירהו (01210)  
ואחד וליס תאני מא להו תשביה אל ג'סד (01211)  
ומא ג'סד והוא אילאה אל אילאהא (01212)  
ואילאה נמרוד. ואנא אברהם עבדהו (01213)  
אמין ביתהו' (01214)  
ראח אברהם אע"ה ודכל בל ולאיה (01215)  
ועאח בעוט כביר. אללה הוא (01216)  
אל אילאה ואחד וליס תאני והוא אילאה (01217)  
אל סמא. והוא אילאה אל אילאהא (01218)  
אילאה נמרוד. אשהדו ג'מיעכום (01219)  
ריאג'יל ונסוואן ואטפאל. עלא האד'י אלד'י (01220)  
הווא חק. ואיע'ה תשהדון אלד'י אנא (01301)  
אברהם עבדהו ואמין ביתהו. וכאן מסייר (01302)  
בל אסוואק ובל מחאליל וייעיח. ולקה (01303)  
אבוה ואמהו ואיע'ה לקה למלאך גבריאל (01304)  
קאל לו אל מלאך יא אברהם תקול לאבוך (01305)  
ולאמך לייאמנון איע'ה הום ויישהדון (01306)  
באל תמאם אלד'י אנתא מנבה אלד'י אללה (01307)  
הוא אל אילאה וליס מן ג'ירהו. ולמא סמע (01308)  
אברהם כלאם אל מלאך קאל לאבוה (01309)  
ולאמהו אנתום עאבדין לל אנסאן אלד'י (01310)  
מתלכום ותסג'דון להו לתשביה מעבוד (01311)  
נמרוד. הל ערפתום אלד'י להו תם ולם (01312)  
יתכלם. עין ולם ינע'ר. אד'ן ולא יסמע (01313)  
ולם ימשי פי רג'ולהו ומה פ'יה מנאפע (01314)  
לא להו ולם לל ג'יר ולמא סמע תרח הל (01315)  
חכי מן אבנהו לאסנהו וג'אבהו אלא (01316)  
ביתהו וחכה להו ג'מיע אלד'י תעאדף אלד'י (01317)  
בפרד יום משא משוות ארבעין יום (01318)  
ולמא סמע הל חכי ראח ענד נמרוד וקאל (01319)  
להו יא סידי אל עלטאן. מן טרף אבני אלד'י (01320)  
כנת מהזום מן סבבהו אנא סאלתוה אש (01401)  
קדר אלד'י הווא פי אל דרב. קאל אלד'י אמס (01402)  
טלע מן מכאנהו והל יום ועל להל מכאן (01403)  
ולמא סמע נמרוד הל חכי ארתעד ורג'ף (01404)  
וקאל קדאם ג'מיע אכבארייתו ואל (01405)  
משאוורין לייעטוה פרד משאוורה עלא (01406)

הל וַלד אש יתסווא להו. ג'מיעהום קאלו (01407)  
ועי לינבהון בכל אל מדינה לייסוון (01408)  
ע'יאיפה ואפראח סבעת אייאם וכל רג'ל (01409)  
יפרח בביתהו ויילבס הדום אל (01410)  
מפתכ'ראת. כד'אלך תסווי ע'יאיפה בחוש (01411)  
אל עלטאן אל בראני ואל ג'וואני. וייג'ון ג'מיע (01412)  
אל נאס לייעבדוך ח"נ. חאלן אמר אל (01413)  
עלטאן לייסוון מוג'ב מן שאוורוה. ונבהו (01414)  
בג'מיע אל אסוואק ואל מחאיל ליילבסון (01415)  
הדום אל מפתכ'ראת כל ואחד עלא (01416)  
מקדורהו. ומן בעדהו נמרוד בעת עלא (01417)  
אברהם וג'א מעהו תרח אבוה ופאת (01418)  
אברהם קדאם אל וזרא ואל פשוואת אלא (01419)  
מא ועל לל כרסי מאל אל עלטאי. ולזם (01420)  
אל כרסי ועאח בעוט עע'ים הל חכי יא (01501)  
נמרוד אל כאפר בל כ'אלק ובאברהם (01502)  
עבדהו אמין ביתהו תשהד ותקול מתלי (01503)  
אלדי אלאהי ואחד וליס תאני. ותאמן אלדי (01504)  
אנא אברהם עבדהו והוא כלק ג'מיע אל (01505)  
דונייא לכ'אטר יאמנון ביה. ועלא חסהו (01506)  
בהל חכי ואל אענאם אלדי כאנו ואקפין (01507)  
הנאך וקעו עלא וג'הום ולמא שאפו אל (01508)  
עלטאן ואל פשוואת בווקוע אל ענאמאת (01509)  
ואלא עייאח אברהם וקעו עלא וג'הום (01510)  
לל ארץ' מע עלטאנהום נמרוד וטאש (01511)  
מקדאר סאעתין ועקב מא עחה קאל אל (01512)  
עלטאן האד'ה חסך אברהם יא חס (01513)  
מעבודך רג'ע לו חס מאל פרד כ'ליקה (01514)  
זג'ירה אלדי כ'לקהא אילאהי בד'אלך אל (01515)  
סאעה קאל אל עלטאן נמרוד אלא אברהם (01516)  
עחיח אילאהך כביר וקווי עלטאן מעלטן (01517)  
אל עלאטין. וקאל לתרח אבוה לייאכ'דהו (01518)  
מן עלא ראסהו וראח אלא ולאיתהו מע (01519)  
אבוה' (01520)  
מן בעד סנין. פלמא אברהם סאר אבן (01601)  
עשרין סנה. תרח אבוה תווג'ע ועטא (01602)  
אלא אוולאדהו חרן ואברהם לכל ואחד (01603)  
ענמין לייביעון מן סבב מא ענדהו (01604)

דראהם לל מעאריף. חאלן ראח חרן (01605)  
ובאע אל ענמין כד'אך ראח אברהם (01606)  
ואכד' ענמין. אל אאכראת לייביעהום. (01607)  
ושד חבל פי רקבתהום ומדדהום פי אל (01608)  
ארץ' וסחסלהום. ועאח מן לאזמהו (01609)  
לישתרי ענם אלד'י מא אלו מנאפע לא מן (01610)  
טרפהו ולא מן טרף אל ישתריה לייעבדהו (01611)  
כד'אך להו תם ולא יתכלם. עין ולם (01612)  
ישוף. רג'לין ולם ימשי. אד'ן ולם יסמע. (01613)  
ולמא סמעו אל עאלם חכי אברהם תעג'בו (01614)  
וכאפו כתיר. ופי משוותהו לאקתהו פרד (01615)  
עג'וז וקאלת להו אריד מנך תסתנקילי (01616)  
פרד ענם מליח וכביר לאעבדהו. קאל (01617)  
להא אברהם יא עג'וז אני מא אערף אכו (01618)  
להום מנאפע לא בל כביר ולא בל זגיר (01619)  
קאל להא וין סאר ענם אל כביר אלד'י (01620)  
אשתריתיה מן אכ'י חרן. קאלת להו ג'ו (01701)  
חראמייה באל ליל ובאקוהום. קאל להא (01702)  
כיף תעבדין לענם חתה לנפ'סהו מא (01703)  
כלץ מן אל חראמייה וכיף יכלץ אל ג'יר (01704)  
קאלת לו אל עג'וז אלא מן אעבד. קאל להא (01705)  
תעבדין לאילאה אל אילהאת. כאלק אל (01706)  
סמא ואל ארץ' ואל בחור וג'מיע אלד'י אכו (01707)  
ביהום. והוא אילאה נמרוד ואילאה (01708)  
ג'מיע אל דונייה. קאלת אל עג'וז מן הסאע (01709)  
וג'אדי מא אעבד פקט אילאהך. סאלתהו (01710)  
אד'ה אעבדהו אש יסירלי מנאפע קאל (01711)  
להא תכלעין מן ג'הנם. קאלת אש אקול (01712)  
ואכלץ. קאל להא תקולין אל' הוא אל אילאה (01713)  
ואחד וליס תאני ממיית ומעייש. ואנא (01714)  
אברהם עבדהו אמין' ביתהו קאלת אל (01715)  
עג'וז אסווי אמרך (01716)  
אמר המגיד רג'עת בתשובה. ותנדמת (01717)  
עלא אלד'י עבדת אל אענאם. אל עג'וז אכד'ת (01718)  
פרד חג'ארה וע'רבת עלא רוס אל אענאם (01719)  
וקאלת יא ויל אל יעבדכום. לאן מא ביכום (01720)  
מנאפע. וראחת בל אסוואק ובל (01801)  
מחאליל ותעיח ותקול כל מן אלד'י יריד (01802)

יכלץ נפסוהו מן אל ג'הנם ויינג'ח בכל (01803)  
אשג'אלהו יעבד לאילאה אברהם' (01804)  
אמר המגיד אל עג'וז רג'עת כתיר נאס' (01805)  
ולמא סמע אל עלטאן ענהא בעת (01806)  
עליהא וג'אבהא קדאמהו קאל להא ליש (01807)  
מלתי מן עבאדתי. קאלת אנתא מן אל (01808)  
כאד'בין אנתא כאפר בל כאלק. ולמא (01809)  
סמע אל עלטאן כלאמהא ועא לייקתלוהא (01810)  
וכאף ומא ערף אש יסווי לאברהם אלד'י (01811)  
פסד אמאנתהו לאן אזייד אל נאס מאמנין (01812)  
באילאה אברהם איצ'ה פ'רד יום תרח (01813)  
קאל לאבנהו אברהם לידיר באלהו עלא (01814)  
אל אענאם. ומן בעד מא ראח מן אל בית (01815)  
אכד' אברהם פרד פאסה פי ידהו וכסר (01816)  
אל אענאם ופרהום לל ארץ'. ומנהום (01817)  
קטע אייאדיהום. ומנהום קעקץ רג'ולהום (01818)  
מנהום קעקץ רוסהום. ומנהום פקס (01819)  
עייונהום. מא בקא מנהום פקט ואחד (01820)  
אל אכבר. וכלא פי ידהו אל פאס. וסמע אל (01901)  
עלטאן פי ד'אלך וקאל מן כאן הון וכסרהום (01902)  
וג'אוובה וקאלו יא סידנא אל עלטאן (01903)  
אברהם כאן קאעד עובהום וסמענא אלדי (01904)  
כאן יכסרהום. ואמר אל עלטאן לייג'יבון (01905)  
אלא אברהם קדאמהו. וקאל אל עלטאן (01906)  
ליש כסרתהום. וקאל אנא מא כסרתהום (01907)  
לאכן ענם אל כביר אלד'י פיהום כסרהום (01908)  
הל תשופון אל פאס אלד'י פי ידהו. ואד'א (01909)  
מא תאמנון אסאלוה וייערפכום. ולמא (01910)  
סמע אל עלטאן כלאמהו זעל כתיר עליה (01911)  
ואמר לייחבסוה וועה לל חבאס מא (01912)  
יעטוה לא אכל ולא שרב. אברהם אע"ה (01913)  
למא כאן פי אל חבס עלא עייונהו לל (01914)  
סמא וקאל אל' אלאהי אנתא תערף אל (01915)  
מכפייאת. ותערף אלד'י אנא ג'ית הון מן (01916)  
סבב עבאדתך ואל' סמע עלאתהו ורסל (01917)  
למלאך גבריאל לייסאעדהו. וקאל להו אל (01918)  
סלאמה עליך לא תכאף. לאן אללה (01919)  
אילהך מעד בד'אלך אל סאעה אנבלק (01920)

להו עין מאיי ושרב מנהו וג'אב להו אל (02001)  
מלך מן כל אנוואע אכולאת וקעד מעה (02002)  
מקדאר סנה ופי בלוץ אל סנה ג'ו (02003)  
אכבאריית אל עלטאן וקאלו לל עלטאן (02004)  
לייבנון פרד מכאן כביר ויינבה כל מן (02005)  
אלד'י יחב עבאדת נמרוד יג'יב אלא הד'אך (02006)  
אל מכאן כשב כתיר אלא מא ינתרס (02007)  
הד'אך אל מכאן כ'שב ויישעלונהו ונרמי (02008)  
פי ועטהו אלא אברהם. ובהאד'י יאמנון (02009)  
ביך ומא תפסד דייאנתך. ופרח פי הל (02010)  
שור חאלן אמר לינבהון לייסוון מוג'ב לה (02011)  
שיי ואמר עלא אל חבאס ליג'יב אלא (02012)  
אברהם לירמיה פי אל נאר. קאל אל חבאס (02013)  
לל עלטאן כיף תריד מני אדמי אלדי (02014)  
עאר להו סנה פי אל חבס מן ג'יר אכל (02015)  
שרב. קאל להו אל עלטאן מע כל האד'י (02016)  
ורוח לל חבס ותעיוחו אד'ה יג'אוובך (02017)  
תג'יבו ותפרו פי אל נאר. ואדא תוופא (02018)  
תדפנהו. כד'אך אל חבאס ראח אלא אל (02019)  
חבס ועאח פי עוט כביר אברהם אנתא (02020)  
טייב וג'אוובהו אנא טייב. קאל להו מני (02101)  
עטאך אכל ושרב קאל להו אלד'י טעמני (02102)  
וסקאני רב אל עאלמין. הווא אילאה אל (02103)  
אילאהאת. מסווי עגיבאת לווחדהו והוא (02104)  
אילאה נמרוד ואילאה תרת. ואילאהי (02105)  
אילאהאת כל אל דונייא. הוא מעייש (02106)  
אל ג'מיע. ישוף ומא ינשאף והוא בל (02107)  
סמא ילתקי בכל מועע ויפתכר בכל אל (02108)  
אשג'אל. ולמא סמע אל חבאס כלאמהו. (02109)  
כד'אלך אמן בחכי אברהם וקאל אילאהך (02110)  
הווא אילאה אל אילאהאת ואנתא עבדהו (02111)  
ונאביהו תמאם. ונמרוד אל כאד'ב. בהל (02112)  
חכי עאר כבר ענד' נמרוד אל עלטאן (02113)  
ובעת ורא אל חבאס וקאל להו כיף כפ'רת' (02114)  
ביי. קאל להו אל חבאס תמאם ואנתא יא (02115)  
נמרוד כאפר באל עדק. ולמא סמע אל (02116)  
עלטאן חכייהו אנתרס ג'ע'ב וזעל ואמר (02117)  
לייקעון ראסהו. ועאח אל חבאס וקאל אל (02118)

הוא אל אילאה. הוא אילאה ג'מיע אל (02119)  
 דונייא ואל סיף מא כאן יקדר יקץ (02120)  
 ברקבתהו. ומן כתר מא כאן יע'רב (02201)  
 אנכסר אל סיף ועלא אל חבאס מא סאר (02202)  
 שיי בד'אלך אל וקת אל עלטאן כתיר תעג'ב' (02203)  
 בל מדרש קאל תרח כאן יסווי אענאם (02204)  
 וייביע. פרד נובה סאפר לג'יר ולאיייה (02205)  
 וכלאנו לאברהם יביע אענאם ומן כאן (02206)  
 יג'י ואחד ישתרי ענם יקול להו אברהם (02207)  
 אש קדר עמרך יג'אוב וב כמין יא סתין (02208)  
 סנה. יקול להו יא וילו עמרהו סתין סנה (02209)  
 יריד יסג'ד לענם אבן נהאר וייסתחי (02210)  
 ויירוח. פרד נובה ג'ת מרה ביידהא ענייה (02211)  
 כבירה מתרוסה טחין מקטוף וקאלת (02212)  
 לאברהם כד קדמהא קדאם אל אענאם (02213)  
 אש סווא אברהם אכ'ד' טפון וכסר כל אל (02214)  
 אענאם ועטא אל טפון ביד ענם אל כביר (02215)  
 למא ג'א תרח קאל להו מני כסר אל אענאם (02216)  
 קאל להו ג'ת מרה וג'אבת הל ענייה טחין (02217)  
 וג'בתהא קדאמהום וכאן הל ענם יקול (02218)  
 אנא אאכל קדאם וענם אל אאכ'ר כד'אלך (02219)  
 קאם אל כביר ואכ'ד' טפון וכסרהום קאל (02220)  
 להו תרח קאעד תע'חך עלייא יפתהמון (02301)  
 וייחדתון קאל להו אברהם יסמעון אדאנד (02302)  
 שיי אלד'י קאעד יטלע מן תומך אש סווא (02303)  
 תרח אכ'ד' לאברהם וסלמהו לנמרוד. (02304)  
 קאל להו נמרוד אל כאן לם תסג'ד להל (02305)  
 אענאם אסג'ד לל נאר קאל להו אברהם (02306)  
 נסג'ד לל מאיי אל יטפי לל נאר. קאל לה (02307)  
 אסג'ד לל מאי קאל להו כ'לי נסג'ד לל ג'ים (02308)  
 אל יחמל אל מאיי. קאל להו נמרוד קאעד (02309)  
 תתקשמר אנא ארמיד בל נאר ואללה (02310)  
 אלדי אנתא תעבדהו יכ'לעך' (02311)  
 ואמר אל עלטאן לייג'יבון אלא אברהם (02312)  
 וליירמוהא פי ועט אתון אל נאר (02313)  
 כדאלך סוו ושכ'ץ אלד'י ראח לייפרהו (02314)  
 אנקתל מן בעאץ אל נאר. כד'אלך ג'א ג'יר (02315)  
 ואחד לייפרהו. כד'אלך אנקתל. (02316)

כד'אלך כאן יחזק כל מן אלד'י יפרהו פי (02317)  
אל נאר אלא מא מאתו נאס כתרה מא (02318)  
להום עדד. וג'א אל שטן בתשביה רג'ל (02319)  
אתקדם ענד אל עלטאן. וקאל להו (02320)  
אשאורך לתפר לאברהם פי ועט אל נאר (02401)  
ג'יב כ'שב כתיר ובסאמיר וחביל ואסוילך (02402)  
מכינה אלדי מן ועט תחריכהא ינפר פי (02403)  
אל נאר מן בעיד. ופרח אל עלטאן בהל (02404)  
משאוורה וסוו כד'אלך. ומן בעד מא (02405)  
תממו אל מכינה ג'רבו קדאם אל עלטאן (02406)  
תלת נובאת. ואכ'ד'ו אלא אברהם ושדדו (02407)  
איאדיה ורג'ליה וכלוה פי ועט אל מכינה (02408)  
לייפרוה. ולמא שאף אברהם אע"ה אלד'י (02409)  
שדדוה. עלא עיונהו לל סמא וקאל (02410)  
אללה אילאהי אנת תשוף ג'מיע אלדי מא (02411)  
סווא ביי נמרוד הרשע. כד'אלך אל (02412)  
מלאכים קאלו קדאם הקב"ה רבונו של (02413)  
עולם מתרוסה כל אל ארץ' ואג'בך הל (02414)  
ופתן אש סווא אל עלטאן נמרוד בעבדך (02415)  
בנבייך אברהם קאל הקב"ה כיה מא (02416)  
אערף. ואנא אערף כל אל מכפייאת (02417)  
ואשוופכום אל אסתנקאם בנמרוד אל (02418)  
כאפר ואטלק אלא אברהם עבדי. אל (02419)  
שט ג'א ענד אברהם בתשביה בני אדם (02420)  
וקאל להו אל כאן תריד תכ'לץ מן נאר (02501)  
נמרוד אסג'ד להו יאמן בינו. ולמא סמע (02502)  
אברהם כלאמו וקאל להו יגער בך (02503)  
השטן יטלע מן קדאמו. וג'ת אם אברהם (02504)  
לתבווסו קבל מא ישמרונו לאתון אל (02505)  
נאר קאלת להו. יא אבני אסג'ד לנמרוד (02506)  
וסיר בדייאנתי ותכ'לץ מן אתון אל (02507)  
נאר' (02508)  
קאל להא יא אמי נאר נמרוד אל מאיי (02509)  
יטפינו. לאכן נאר אילאהי לא כל (02510)  
אל דונייא מא תנטפי. ולמא סמע (02511)  
ג'וואבו עאדקין קאלת להו אללה אלדי (02512)  
אנת עאבד הווא יכלעך מן נאר נמרוד. (02513)  
ופי סאעת אלד'י פרונו פי אל נאר אנ'א (02514)

ענדהו מלאך גבריאל וקאל להו. הל (02515)  
אכלעך מן הל נאר. קאל להו אל אילאה (02516)  
אלדי אנא מנתכל בינו אילאה אל סמא (02517)  
ואל ארץ' הווא יכלעני. ולמא שאף אל (02518)  
נייתו מליחה רחמו וקאל לאל נאר סיר (02519)  
בארד לאברהם עבדי. אל נאר (02520)  
אנטפת מן ג'יר מאי. אל אתון עאר בקג'ה (02601)  
מתל אל עלטאן ואל כשב נבתו ורוד (02602)  
וג'מיעהום טלעו אתמאר כל כשבה (02603)  
עארט סג'רה ואל מלאייכה קאעדין מעהו (02604)  
פי אל בקג'ה. ולמא שאף נמרוד האכד'ה (02605)  
קאל אלד'י אברהם יערף כ'שוף ואל נאר מא (02606)  
יחכם בינו ויישופון אל נאס אלד'י הווא פי (02607)  
אל בקג'ה. וג'אוואבו אכבארייתו וקאלו יא (02608)  
סידי האד'י לם כ'שוף פקט קדרת אללה (02609)  
אילאה כביר אילאה אברהם ומא אכו (02610)  
אילאה ג'ירהו. ונחן נשהד עלא האד'י. (02611)  
אמנו ג'מיעהום באללה וקאלו ה" הוא (02612)  
האלהים בשמים ממעל ועל הארץ (02613)  
מתחת אין עוד ' (02614)  
ארור משיג' גבולינו אשר יעשה (02615)  
במעשינו בלתי כי אם רשות (02616)  
מידינו ואל שדי יהיה (02617)  
בעזרינו ובעזרת שומע (02618)  
דברינו' (02619)  
מטבעת אל וטנייה אל ישראלייה      בגדאד (02620)